

Simon, E. 1900. Descriptions d'arachnides nouveaux de la famille des Attidae. Ann. Soc. ent. Belg. 44: 395.

*Padilla glauca* Simon, 1900

**P. glauca** sp. nov. — ♂. Long. 3,5 mill. — Cephalothorax sat brevis, regione thoracica cephalica vix longiore, cephalica parallela, atro-piceus sublævis, squamulis glauco-viridibus micantibus vestitus. Pili oculorum pauci flavidi. Clypeus angustus nudus. Abdomen breviter ovatum, postice acuminatum, atrum et longe cinereo-pilosum, antice arcubus binis, postice lineolis transversis binis rectis in medio interruptis punctoque apicali viridi-micanti-squamulatis supra decoratum. Chelæ breves, fusco-nitidæ, antice spina gracili recta et acutissima, fulva, antice directa et parte cephalica brevior, armatæ, margine sulci inferiore dentibus acutis longis quatuor armato. Partes oris sternumque fusco-picea. Pedes 1<sup>i</sup> paris reliquis multo robustiores, lutei, tibia metatarsoque valde infuscatis sæpe nigris, femore late clavato, intus aculeis trinis, subtus aculeo erecto brevi sed paulo robustiore armato. Reliqui pedes lutei, femoribus supra tibiis metatarsisque ad basin infuscatis et subannulatis. Pedes-maxillares mediocres, obscure fulvi vel fuscii; tibia patella brevior, extus ad apicem apophysi parva simplici et nigra armata; tarso sat longe ovato; bulbo ad basin convexo et producto. — Madagascar : Sinu Antongil (Mocquerys).